

Na osnovu člana 16. stav 2 Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 139. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19, 19/20 i 15/21), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 158. sjednici, održanoj dana 16.06.2022. godine, d o n o s i

O D L U K U

o davanju saglasnosti na Plan upisa studenata u prvu godinu prvog ciklusa studija na Univerzitetu u Zenici u akademskoj 2022/2023. godini

Član 1.

(Kvote za fakultete)

Daje se saglasnost na Plan upisa studenata u prvu godinu prvog ciklusa studija na Univerzitetu u Zenici u akademskoj 2022/2023. godini, kako slijedi:

RB	FAKULTET	Broj studenata			
		redovni studij		vanredni studij	SVEGA
		finansira Osnivač	samofinansirajući		
1.	METALURŠKO-TEHNOLOŠKI FAKULTET				
Studijski program					
1.1.	Metalurško inženjerstvo	10	/	/	10
1.2.	Inženjerstvo materijala				
	- smjer: Metalni materijali	5	/	/	5
	- smjer: Nemetalni materijali	5	/		5
1.3.	Hemijsko inženjerstvo	15	/	/	15
1.4.	Inženjerstvo zaštite okoliša	15	5	/	20
1.5.	Zaštita na radu i zaštita od požara	20	5	/	25
	UKUPNO:	70	10	0	80
2.	MAŠINSKI FAKULTET				
Studijski program					
2.1.	Inženjerski dizajn proizvoda	25	/	/	25
2.2.	Menadžment proizvodnim tehnologijama	25	/	/	25
2.3.	Inženjerska ekologija	10	/	/	10
2.4.	Održavanje	10	/	/	10
2.5.	Inženjerska poslovna informatika	25	/	/	25
2.6.	Mašinstvo (trogodišnji studij)	10	/	/	10

2.7.	Dizajn tehnologije u drvoprerađi (trogodišnji studij)	20	5	/	25
	UKUPNO:	125	5	0	130
3.	FILOZOFSKI FAKULTET				
	Studijski program				
3.1.	Razredna nastava	10	5	5	20
3.2.	Matematika i informatika	10	3	2	15
3.3.	Engleski jezik i književnost	10	10	-	20
3.4.	Njemački jezik i književnost	10	5	5	20
3.5.	Turski jezik i književnost	10	5	5	20
3.6.	Bosanski, hrvatski, srpski jezik i književnost	8	2	5	15
3.7.	Kulturalni studij	15	5	/	20
	UKUPNO:	73	35	22	130
4.	EKONOMSKI FAKULTET				
	Studijski program				
4.1.	Menadžment preduzeća	40	30	5	75
4.2.	Finansije i računovodstvo	40	30	5	75
	UKUPNO:	80	60	10	150
5.	PRAVNI FAKULTET				
	Studijski program				
5.1.	Opći smjer	80	10	10	100
	UKUPNO:	80	10	10	100
6.	MEDICINSKI FAKULTET				
	Studijski program				
6.1.	Opća medicina (integrisani I i II ciklus studija)	15	25	/	40
6.2.	Zdravstvena njega	20	30	/	50
	UKUPNO:	35	55	0	90
7.	POLITEHNIČKI FAKULTET				
	Studijski program				
7.1.	Građevinarstvo	40	/	/	40
7.2.	Proizvodni biznis	30	/	/	30
7.3.	Softversko inženjerstvo	/	80	/	80
	UKUPNO:	70	80	0	150
8.	ISLAMSKI PEDAGOŠKI FAKULTET				
	Studijski program				
8.1.	Islamska vjeronauka	20	10	10	40
8.2.	Socijalna pedagogija	15	10	10	35
8.3.	Predškolski odgoj i obrazovanje	20	10	10	40

8.4.	Arapski jezik i književnost	10	10	5	25
8.5.	Inkluzivna edukacija	10	10	5	25
	UKUPNO:	75	50	40	165
	SVEUKUPNO(1+2+3+4+5+6+7+8)	608	305	82	
	SVEUKUPNO(redovni, redovni samofinansirajući i vanredni)	995			

Član 2.

(Dopunska prava branilaca i članova njihovih porodica)

Dobitnik ratnog priznanja ili odlikovanja, ratni vojni invalid, demobilizirani branilac, dijete šehida, poginulog, umrlog, nestalog branioca, dijete dobitnika ratnog priznanja ili odlikovanja, dijete ratnog vojnog invalida i dijete demobiliziranog branioca u statusu redovnog studenta, ima pravo prvenstva pod jednakim uvjetima pri upisu na fakultete Univerziteta u Zenici, a u skladu sa članom 20. Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14) i Uredbom o prednosti u školovanju branilaca i članova njihovih porodica („Službene novine Zeničko-dobojskog kantona“, broj: 4/14, 1/18 i 15/21).

Član 3.

(Davanje saglasnosti na povećanje određenog broja studenata za upis)

Upis kandidata iz kategorije djece šehida, poginulog, umrlog, nestalog branioca; poginulog, umrlog, nestalog dobitnika ratnog priznanja ili odlikovanja; umrlog ratnog vojnog invalida i umrlog demobiliziranog branioca, koji se prijave na redovan studij (finansira Osnivač) i polože prijemni ispit, a ne uđu u kvotu predviđenu Planom upisa, kao i kandidata koji ne ostvare potreban broj bodova po općim i posebnim kriterijima na fakultetima na kojima nije predviđen prijemni ispit, bit će riješen posebnim zaključkom Vlade Kantona o davanju saglasnosti na povećanje određenog broja studenata za upis.

Član 4.

(Pripadnici romske nacionalnosti)

Pripadnici romske nacionalnosti imaju pravo na bezuvjetan upis u statusu redovnih studenata koje finansira Osnivač, izvan kvote predviđene Planom upisa.

Član 5.

(Osobe s invaliditetom)

Osobe s invaliditetom preko 70% imaju pravo na bezuvjetan upis u statusu redovnih studenata koje finansira Osnivač, izvan kvote predviđene Planom upisa.

Član 6.

(Izvođenje nastave)

Nastava za određeni studijski program se ne izvodi ukoliko je na studijski program upisano manje od 20% studenata od broja predviđenog upisnom kvotom iz člana 1. ove odluke za taj studijski program.

Član 7.

(Izvještaj o upisu)

(1) Univerzitet u Zenici dostavlja Ministarstvu za obrazovanje, nauku, kulturu i sport izvještaj o broju upisanih studenata po studijskim programima iz člana 1. ove odluke.

(2) Izvještaj iz stava (1) ovog člana dostavlja se najkasnije 30 dana nakon početka akademske godine.

Član 8.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-9683/22

Datum, 16.06.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Univerzitet u Zenici, putem Ministarstva,
1x „Službene novine Zeničko-dobojskog kantona“,
1x a/a.